

壹

大本
彙
自

難經卷壹

難經彙攷

史記越人傳載趙簡子號太子齊桓侯三疾之治而無著難經之說隋書經籍志唐書藝文志俱有秦越人黃帝八十一難二卷之目又唐諸王侍讀張守節作史記正義於扁鵲倉公傳則全引難經文以釋其義傳後全載四十二難與第一難三十七難全文由此則知古傳以爲秦越人所作者不誣也詳其設問之辭稱經言者出於素問靈樞二經之文在靈樞者尤多亦有二經無所見者豈越人別有據於古經或自設爲問答也耶

邵菴虞先生嘗曰史記不載越人著難經而隋唐書
經籍藝文志定著越人難經之目作史記正義者直
載難經數章愚意以爲古人因經設難或與門人弟
子答問偶得此八十一章耳未必經之當難者止此
八十一條難由經發不特立言且古人不求托名於
書故傳之者唯專門名家而已其後流傳寔廣官府
得以錄而著其目註家得以引而成文耳
圭齋歐陽公曰切脈於手之寸口其法自秦越人始
蓋爲醫者之祖也難經先秦古文漢以來答客難等
作者出其後又文字相質難之祖也

穆立操序謂黃帝有內經二帙其義幽顯殆難究覽
越人乃採摘二部經內精要凡八十一章伸演其道
名八十一難經以其理趣深遠非卒易了故也
紀天錫云秦越人將黃帝素問疑難之義八十一篇
重而明之故曰八十一難經

宋治平間京兆黎秦辰序虞庶難經注云世傳黃帝
八十一難經謂之難者得非以人之五臟六腑隱於
內爲邪所干不可測知唯以脈理究其彷彿耶若脈
有重十二菽者又有如按車蓋而若循雞羽者復攷
內外之症以叅校之其不難乎

丁德用補註題云難經歷代傳之一人至魏華佗乃
燼其文於獄下於晉宋之間雖有仲景叔和之書然
各示其文而濫觴其說及吳太醫冷呂廣重編此經
而尙文義差迭按此則難經爲燼餘之文其編次復
經呂廣之手固不能無缺失也

謝氏謂難經王宗正註義圖解大槩以診脈之法心
肺俱浮肝腎俱沉脾在中州爲正而已至於他註家
所引寸關尺而分兩手部位及五臟六腑之脈並時
分見於尺寸皆以爲王氏脈經之非殊不知脈之所
以分兩手者出於素問脈要精微論其文甚明越人

復推明之於十難中言一脈變爲十以五臟六腑相
配而言非始於叔和也且三部之說有二一則四難
所謂心肺俱浮肝腎俱沉脾者中州與第五難菽法
輕重同而三部之中又各有分上中下云一則脈要
精微論之五臟部位卽二難之分寸關尺十難之一
脈變爲十者也若止以心肺俱浮肝腎俱沉脾爲中
州一法言之則亦不必分寸關尺而十難所謂一脈
十變者何從而推之

蘄水龐安常有難經解散萬言惜乎無傳

諸家經解馮氏丁氏傷於鑿虞氏傷於巧李氏周氏

傷於任王呂晦而舛楊氏紀氏大醇而小疵唯近世
謝氏說殊有理致源委及袁氏者古益人著難經本
旨佳處甚多因其襲處未免踵前人之非且失之冗
爾

潔古氏藥注疑其草稿始立章指義例未及成書也
今所見者徃徃言論於經不相涉且無文理潔古平
素著述極醇正此絕不相似不知何自遂乃板行反
爲先生之累豈好事者爲之而托先生之名耶要知
後來東垣海藏羅謙甫輩皆不及見若見必當與足
成其說不然亦回護之不使輕易流傳也

晦菴先生跋郭長陽醫書云予嘗謂古人之於脈其
察之固非一道矣然今世通行惟寸關尺之法爲最
要且其說具於難經之首篇則亦非不理俗說也故
郭公此書備載其語而并取丁德用密排三指之法
以釋之夫難經則至矣至於丁德用之法則予竊意
診者之指有照瘡病者之臂有長短以是相求或未
得爲定論也蓋嘗攷經之所以分尺寸者皆自關而
前卻以鉅手魚際尺澤是則所謂關者必有一定之
處亦若魚際尺澤之可以外見而先識也然今諸書
皆無的然之論惟千金方內以爲寸口之處其骨自

高而關尺由是而卻取焉則其言之先後位之進退若與經文相合獨俗間所傳脈訣五七言韻語者詞最鄙淺非叔和本書明甚乃能直指高骨爲關而分其前後以爲尺寸陰陽之位似得難經本旨然世之高醫以其膺也遂委棄而羞言之予非精於道者不能有以正也姑附於此以俟明者而折中焉

廬陵謝堅白曰秦定四年丁卯愚教授龍興建言憲司請刻叔和脈經本書十卷時儒學提舉東陽柳公道傳序其端曰朱文公云俗傳脈訣辭最鄙淺而取其直指高骨爲關之說爲合於難經雖文公亦似未

知其正出脈經正謂此跋也然文公雖未見脈經而其言與脈經胎合脈訣雖非叔和書其人亦必知讀脈經者但不當自立七表八裏九道之目遂與脈經所載二十四種之名義大有牴牾故使後人疑焉東坡先生楞伽經跋云如醫之有難經句句皆理字字皆法後世達者神而明之如槃走珠如珠走盤無不可者若出新意而棄舊學以爲無用非愚無知則狂而已譬如俚俗醫師不由經論直授藥方以之療病非不或中至於遇病輒應懸斷生死則與知經學古者不可同日語也世人徒見其有一至之功或捷

於古人因謂難經而可豈不誤哉

滑伯仁曰難經八十一篇辭若甚簡然而榮衛度數
尺寸位置陰陽王相臟腑內外脈法病症與夫經絡
流注針刺俞穴莫不該盡昔人有以十三類統之者
於乎此經之義大無不包細無不舉十三類果足以
盡之與八十一篇果不出於十三類與學者求之篇
章之間則其義自見矣

此書固有類例但當如大學朱子分章以見記者之
意則可不當以已之立類統經之篇章也今觀一難

至二十一難皆言脈二十二難至二十九難論經絡

流注始終長短度數奇經之行反病之吉凶也其間
有云脈者非謂尺寸之脈乃經隧之脈也三十難至
四十三難言榮衛三焦臟腑腸胃之詳四十四五難
言七衝門乃人身資生之用八會爲熱病在內之氣
穴也四十六七難言老幼寤寐以明氣血之盛衰言
人面耐寒以見陰陽之走會四十八難至六十一難
言脈候病能臟腑積聚泄利傷寒雜症之別而繼之
以望聞問切醫之能事畢矣六十二難至八十一難
言臟腑榮膺用針補瀉之法又全體之學所不能無
者此記者以類相從始終之意備矣

十一難曰肝有兩葉四十一難云肝左三葉右四葉
凡七葉言兩葉者舉其大言七葉者盡其詳左三右
四亦自相陰陽之義肝屬木木爲少陽故其數七肺
屬金金爲少陰故六葉兩耳其數八心色赤而申虛
離之象也脾形象馬蹄而居中土之義也腎有兩枚
習坎之謂也此五臟配合陰陽天地自然之理非人
之所能爲也若馬之無膽兔之無脾物固不得其全
矣周子云木陽稊金陰稊也

項氏家說曰凡經絡之所出爲井所留爲榮所注爲
喻所過爲原所行爲經所入爲合井象水之泉榮象

水之陂腴象水之寶寶即窮字也經象水之流合象水之歸皆取水之義也

彙攷歷代明醫姓氏

岐伯

黃帝臣也與帝更相問難而著內經以垂萬世

雷公

黃帝臣也諱敦善醫術著至教論藥性賦炮製等書垂世

伊尹

殷時臣也製湯液本草後世多祖其法

扁鵲

姓秦名越號扁鵲秦之盧國渤海人發靈素之旨設為八十一難不待切脈望色聽

聲寫形即知病之所起

華佗

字元化漢末浦國樵人通五經精方脈能剝骨療疾為外科之祖有青囊書惜乎無

傳世也

張氏

諱機字仲景漢南陽人為長沙太守著傷寒指掌論為傷寒之祖也

皇甫謐

幼名靜字士安西晉安定人著甲乙經及金經

王氏 諱 字叔和 西晉高平人 著脈經十卷 因傷談出 遂使此書不行於世

孫氏 諱思邈 唐京兆金華原人 舉進士 著千金方 三十卷 脈經一卷

丁氏 諱德用 字齊陽 人著難經 補註 宋嘉祐間

虞氏 諱慶 字陵陽 人難經 註義 宋治平間

周氏 諱與權 字仲立 宋臨川人 難經 辨正 釋疑

王氏 諱宗正 字誠叔 宋紹興人 官將仕郎 著難經 註義

張氏 諱元素 字潔古 金州人 有異術 治病之 用古方 自為 號真垣 元明昌 大定 間人

李氏 諱泉 字明之 號真垣 元明昌 大定 間人 從張元素 書 得其傳 著東垣 十書 行世

劉氏 諱宗素 字真金 之河間人 著運氣 要旨 宣明論 素問 玄機 原病 式行世

呂氏 諱廣 字有難 經註 解行世 吳太醫令

楊氏 諱玄操字 著難經註釋

紀氏 諱天錫字齊 難經註五卷

袁氏 諱厚字淳 浦元占益人

謝氏 諱縉字堅 白元廬陵人仕

陳氏 諱瑞孫字延 宅之同著難經辨疑

朱氏 諱震亨字彥 修號丹溪元末義烏人

滑氏 諱壽字伯仁 元初祖父官江南自許昌徙

張氏 諱世賢字靜 齋明西明人精

戴氏 諱原禮號復菴 明浦江人世習儒菴菴有

志於濟人澤物從丹溪學業著證治叟訣